

MUSLIMANI AMERIKE TRAŽE OSTAVKU ŠEFA NJUJORŠKE POLICIJE



Ray Kelly šef njujorške policije

Očajni američki muslimani zatražili su putem Savjeta za američko-muslimanske odnose (KIR) u četvrtak 26.01.2012. smjenu šefa Njujorške policije Raya Kellya zbog suradnje na proizvodnji filma *Treći džihad* koji u velike vrijeđa muslimanske osjećaje prikazujući ih teroristima uz činjenicu da je taj film nedavno prikazan na policijskoj televiziji u Broklinu. Film traje 72 minute u kojem su muslimani prikazani kao teroristi koji napadaju i ugrožavaju sigurnost i integritet Sjedinjenih Američkih država.

Savjet *Kir-a* poznate institucije za zaštitu građanskih sloboda drži da njujorški šef policije nije za obavljane povjerene mu funkcije, najjače policijske uprave u zemlji i da treba otići sa te funkcije. Izvršni direktor *Kir-a* Nihad Avad u saopćenju Savjeta kaže da Kelly i njegov pomoćnik Paul Braun ozbiljno su ovim filmom ugrozili integritet muslimana Amerike kojih ima prema neslužbenim procjenama oko 10 milijuna, piše agencija Reuters. Savjet *Kir-a* i još nekoliko američkih organizacija za ljudska prava i slobode održali su 26.01.2012. tiskovnu konferenciju u gradskom poglavarstvu Njujorka u povodu ovog problema kako bi upoznali javnost o učestalim napadima na islam i muslimane u zemlji. Film je snimljen prije četiri godine, ali je tek sada postao aktualan u policijskim sredinama jer služi kao logistika u obuci kako specijalnih jedinica, tako i običnih policajaca na ulicama Njujorka prikazujući muslimane kao teroriste protiv kojih se treba boriti. Paul Brawn je izjavio da film nije korišten za izobrazbu policajaca u borbi protiv terorizma, niti je prikazan na Policijskoj Akademiji, ali je priznao da se film stalno prikazuje na policijskoj televiziji u

Broklinu. *Newyork Times* piše da je film prikazan pred 1400 policijskih časnika. Kellijev zamjenik je rekao da sam šef njujorške policije nije učestvovao u izradi filma nego su producenti koristili neke njegove izjave u filmu i tako ga prikazali kao jednog od učesnika u njemu.

Promatrači pretpostavljaju da će šef policije i njegov zamjenik biti smijenjeni od strane gradonačelnika Blomberga koji je osudio učesće policije u snimanju filma, smatrajući to njihovom velikom greškom. Gradonačelnik je obećao brzo saslušanje i odluku u svezi s zahtjevom američkih muslimana. Film prikazuje muslimane kao teroriste koji oružjem napadaju kršćane i postavljaju automobile-bombe, te prikazuje ubijenu djecu ispod crne zastave na kojoj piše *La ilahe illellah Muhammedun resulullah*. Crna zastava se vijori nad bijelom kućom. U filmu je prikazan lik liječnika Zuhdija Džasira bivšeg časnika američke vojske koji je ubio sedam časnika u duševnom rastrojstvu.

Š.O.